

續修四庫全書

《續修四庫全書》編纂委員會編

續修四庫全書

上海古籍出版社

一七九一・集部・小說類

三國志通俗演義二十四卷（卷十九至卷二十四）〔明〕羅貫中撰……………一

李卓吾先生批評忠義水滸傳一百卷引首一卷（卷一至卷五十）〔明〕施耐庵 羅貫中撰

〔明〕李 贄評……………二四五

三國志通俗演義卷之十九

目錄

孔明秋夜祭瀘水

孔明初上出師表

趙子龍大破魏兵

諸葛亮智取三郡

孔明以智伏姜維

孔明祁山破曹真

孔明大破鐵車兵

司馬懿智擒孟達

司馬懿智取街亭

孔明智退司馬懿

三國志通俗演義卷之十九

晉平陽侯陳壽史傳

後學羅本貫中編次

孔明秋夜祭瀘水

却說孔明平定蠻邦。班師回國。時值九月秋
天。蠻王孟獲率引大小洞主酋長。及諸部蠻
夷。皆羅拜相送。前軍至瀘水。忽陰霧黑雲。四
下布合。狂風沙石。從水面而起。兵不能進。回
報孔明。孔明遂問孟獲。獲曰。此水原有猖神
作禍。往來者必須祭之。孔明曰。用何物祭享。
獲曰。舊時國中因猖神作禍。用七七四十九
顆人頭。并黑牛白羊。以祭之。自然風恬浪靜。
方纔渡之。更兼連年豐稔。孔明曰。吾今事已
平定。安忍又殺生靈耶。吾不為之。遂自到瀘
水岸边。果見陰風大起。波濤洶涌。人馬皆驚。
亦不能渡。孔明甚疑。即尋土人問之。不時老
少數十餘人。皆來告說。自丞相經過之後。夜
夜只聽得水邊鬼哭神嚎。自黃昏直至天曉。

哀聲不絕。瘴烟之內。陰鬼無數。因此作禍。無人敢渡。孔明曰。此乃吾之積惡也。舊時馬岱引蜀兵數百。皆死於水中。更兼殺死蠻兵數多。盡棄於水中。狂魂怨鬼。不能解釋。以致如此。吾今晚自當祭之。老人曰。須依舊例。可殺四十九顆人頭以祭之。則怨鬼自散也。孔明曰。吾班師回國。安可妄殺一人。吾自有主見。喚行廚宰殺牛馬。和麪為劑。塑成人頭。內以牛羊等肉代之。名曰饅頭。傳至今日出事物紀原當夜於瀘水岸上設祭。亮金冠鶴氅。親自臨祭。令董厥讀祭文。其文曰

維。大漢建興三年。秋九月。日。武鄉侯。領益州牧。丞相諸葛亮。謹陳祭儀。享于故攷王事蜀中將校。本土神祇。及蠻夷亡者陰魂。曰。昨自遠方侵境。異俗起兵。縱蠶尾以興妖。恣狼心而逞亂。且我大蜀皇帝。威勝五霸。明繼三皇。定乾坤於戰場之中。立社稷於干戈之內。一自蠻夷。罔窮天道。來叩皇

風。吾奏君王。請三軍暫別龍駕。諸公祖餞。棄六親遠辭家國。於是問罪南蠻。莫不逢山開路。息浪為橋。大舉貔貅。將除螻蟻。大軍雲集。狂寇冰消。纔聞破竹之聲。便是失猿之勢。但士卒兒郎。盡是九州豪傑。將校官僚。皆為四海英雄。習武從戎。投明事主。莫不同伸三令。共展七擒。齊堅奉國之誠。並是忠君之志。何期汝等。偶失兵機。緣落奸計。或流矢所中。魄掩泉臺。或鎗劍所傷。魂歸長夜。志堅忠孝。命終於刀斧之前。正直奉公。骸棄於塵埃之內。生則有勇。死且成名。今則凱歌欲還。獻俘將及。汝等英靈尚在。所禱必聞。隨我旌旗。遂我部曲。同回上國。各認本家。受骨肉之蒸嘗。領妻子之祭祀。莫作他鄉之鬼。徒為異國之魂。當念親姻泣哭於朝昏。子女嚎啕於旦暮。吾奏皇帝。使汝等各家盡霑恩露。年年請給衣糧。月月不絕俸祿。用茲肅答。以慰汝心。父

子傳孫。名題蜀史。今則聊表丹誠。陳其祭祀。各領酒食。共享一食。依此靈幡。隨我歸國。嗚呼哀哉。伏惟尚饗。

董厥讀畢文。孔明放聲大哭。痛切不已。情動三軍。無不下淚。蠻貊之人。盡皆大慟。只見愁雲怨霧之中。隱隱有數千鬼魂。皆隨風而散。於是孔明令左右將祭物盡棄於瀘水之中。次日。孔明引大軍俱到瀘水南岸。但見雲收霧散。風靜波平。因此蜀兵盡渡了瀘水。果然鞭敲金鐙。人唱凱歌。行到永昌之時。孔明留王伉。呂凱。以守四郡。分付孟獲。勤政馭下。善撫居民。勿失農務。便回蠻邦。孟獲拜別而去。孔明引大軍而回成都。後主整排鑾駕。出廓三十里迎接。孫知丞相至近。後主遂下輦。立於道傍。候孔明如事父。孔明慌忙下車。伏道而言曰。臣不能速平蠻方。使主上懷憂。臣之罪也。後主扶起孔明。並車而回。大設太平筵會。重賞三軍。蠻邦進貢來者。二百餘處。皆厚

待之。重賞護送。各還本國。孔明奏准後主。將歿於王事者之家。一一重賞。西蜀之地。年豐歲稔。人心懽悅。萬物咸寧。却說魏主曹丕在位七年。乃黃初七年。即蜀之建興四年也。丕先納夫人甄氏。極有顏色。乃中山無極人也。上蔡令甄逸之女。自三歲失父。建安中。素紹知其美。娶與中子素。夙為婦。夙出鎮幽州。丕父曹操。打破鄴城。丕見甄氏之美。遂納為妻。後生一子。名叡。字元仲。自幼聰明。丕甚愛之。後丕又納安平廣宗人。郭永之女。為貴妃。此女極美。其父曰。吾女乃女中之王也。故號為女王。自後丕納為貴妃後。因甄夫人失寵。郭貴妃欲謀正宮。却與幸臣張勰商議。時丕有疾。郭貴妃令張勰刻一桐木偶人。上書丕年命。妃却呈於丕。言適於甄氏位下。掘得此物。係魘鎮陛下也。丕見之。大怒。不究其真假。將甄夫人勒死於冷宮。遂立郭貴妃為后。因無出。養曹叡為己子。雖甚愛之。不立為嗣。時叡

年一十五歲。弓馬熟閑。當年春二月。丕帶獻
出獵。行於山塢之間。趕出子母二鹿。丕一箭
射倒母鹿。丕回視小鹿。見卧於曹叡馬下。丕
大呼曰。吾兒何不射之。叡在馬上泣告曰。陛
下已射其母。臣安忍復殺其子也。丕聞之。擲
弓於地。曰。吾兒真乃仁德之主也。遂立叡為
齊公。後改為平原王。夏五月。丕感傷寒。百家
醫治不可。乃召中軍大將軍曹真。鎮軍大將
軍陳羣。撫軍大將軍司馬懿。此三人。乃掌國
家重大之事。皆入寢宮。丕喚曹叡至。乃與曹
真等曰。今朕病已沉重。多是不痊。此子年幼。
卿等三人。可以輔之。勿負朕心。三人皆告曰。
陛下何故出此言也。臣等願竭力以事陛下。
千秋萬歲。丕曰。今年許昌城門。無故自崩。乃
不祥之兆。朕故知其死也。忽征東大將軍曹
休。入宮問安。丕曰。卿等四人。皆國家柱石之
臣也。今已在此。朕有何慮耶。言訖。墮淚而崩。
時年四十歲。殁於洛陽宮嘉福殿。在位七年。

後晉平陽侯陳壽評曰

魏文帝。天資文藻。下筆成章。博聞強識。才
藝兼修。若加之曠大之度。勵以公平之誠。
邁至存道。克廣德心。則古之賢主。何遠之
有哉。

又史官孫盛評曰

魏王處莫重之哀。而設享燕之樂。居貽厥
之始。而墮王化之基。及至受禪。顯納二女。
忘其至恤。以誣先聖之典。將何以終

於是曹真。陳羣。司馬懿。曹休。四人一面舉哀。
一面立曹叡為大魏皇帝。謚父丕為文皇帝。
謚母甄氏為文昭皇后。封鍾繇為太傅。曹真
為大將軍。曹休為大司馬。華歆為太尉。王朗
為司徒。陳羣為司空。司馬懿為驃騎大將軍。
其餘文武官僚。各各封贈。大赦天下。時雍涼
二州。無官守把。於是司馬懿上表。乞守西涼
等處。曹叡從之。遂封懿提督雍涼等處兵馬。
懿領詔去訖。却說細作人飛報入川。未見孔

明。孔明大驚曰。曹丕已死。孺子曹叡即位。餘皆不足掛意。但有河內溫人司馬懿。此人乃世之英雄。今總督雍涼兵馬。倘訓練成時。必為蜀中之大患。不如先起兵伐之。芟除此人。以絕後患。叅軍馬謖曰。今丞相平蠻方回。軍馬疲敝。只宜存恤。豈可復遠征耶。要除司馬懿。不難。其有一計。不勞丞相張弓隻箭。使司馬懿自死於曹叡之手。未審丞相鈞意允否。孔明聞之。遂問其計。試看馬謖道出甚計來。

果然司馬懿性命如何。且聽下回分解。

孔明初上出師表

却說孔明問於馬謖曰。有何妙計。能使司馬懿自死於曹叡之手。願詳言之。於是馬謖獻計曰。司馬懿雖是魏朝大臣。而曹叡平素疑之。何不密遣人往洛陽鄴郡等處。布散流言。說此人欲反。却作司馬懿告示天下榜文。徧貼諸處。使曹叡心疑。必然殺此人也。孔明大喜而從之。即遣人密行此計去了。却說鄴城

門上貼下告示。守門者揭了來。奏曹叡。叡觀之。大驚失色。其文曰。

驃騎大將軍總領雍涼等處兵馬事。司馬懿謹以信義布告天下。昔太祖武皇帝。創立皇基。本欲立陳思王子建為社稷主。不幸奸讒交集。歲久潛龍。今皇孫曹叡。素無德行。妄自居尊。有負太祖之遺意。今吾應天順人。以慰萬民之望。克日興師到關。皆早歸命新君。如不順者。當滅九族。先此告聞。相宜知悉。

曹叡大疑。急問羣臣。太尉華歆等奏曰。司馬懿上表乞守雍涼。正為此也。先時太祖武皇帝常與臣曰。司馬懿鷹視狼顧。不可付之兵權。久必為國家之大禍也。今日反情已萌。可速誅之。言未盡。王朗又奏曰。司馬懿深明天文。熟諳韜畧。善曉兵機。常有一匡天下之心。今若不除。久必成王莽之患也。曹叡降旨。便欲興兵御駕親征。忽班部中。大將軍曹真出

而奏曰。不可。昔文帝託孤於臣等四人。是知司馬懿無異志也。今無故加兵。乃逼之反耳。况蜀吳未除。多是奸細行間諜之計。使君臣自亂。彼却乘虛而擊也。陛下未可深信。獻曰。司馬懿若變。悔之何及。真又曰。如陛下心自不穩。可做漢高祖遊雲夢之計。陛下幸安邑。安邑地名也。司馬懿必然來迎。可觀其動靜。就車前擒之。可也。獻從之。遂命曹真監國。即引御林軍十萬。送到安邑。此時司馬懿果然不知。欲令天子看其兵勢威嚴。乃整兵馬。率甲士數萬而迎。近臣奏曰。司馬懿果率力生甲士十餘萬前來抗拒。實有反心矣。獻慌命曹休先領精兵迎之。司馬懿見兵來到。只疑車駕親幸。乃伏道而迎。曹休出曰。仲達受先帝託孤之重。何故反耶。懿大驚失色。汗流遍體。乃問其故。休備細言之。懿曰。此是吳蜀奸謀。間諜之計也。使我君臣自相殘害。彼却乘此虛勢而襲之矣。某當自見天子。懿急退了軍。直

至獻車前。俯伏泣奏曰。臣受先帝託孤之重。安有異心。此必吳蜀之詐計也。臣乞總此兵者。實欲先破蜀。後伐吳。以報先帝與陛下耳。獻持疑未決。華歆奏曰。不可付之兵權。可黜罷回鄉。此漢文帝以報周勃也。獻依此言。將司馬懿削去官職。命曹休總督雍涼兵馬。司馬懿貶回鄉里。魏主曹叡駕回洛陽。却說細作探知此事。報入川中。孔明聞之。大喜曰。吾欲伐魏久矣。奈有司馬懿總雍涼之衆。今既中計而貶之。吾有何憂耳。次日。後主早朝。大會官僚。孔明出班。上出師表一道。表曰。先帝創業未半。而中道崩殂。今天下三分。益州疲敝。此誠危急存亡之秋也。然侍衛之臣。不懈于內。忠志之士。忘身於外者。蓋追先帝之殊遇。欲報之於陛下也。誠宜開張聖聽。以光先帝遺德。恢弘志士之氣。不宜妄自菲薄。引喻失義。以塞忠諫之路也。宮中府中。俱為一體。陟罰臧否。不宜異同。

若有奸詐犯科。及為忠善者。宜付有司論其刑賞。以昭陛下平明之治。不宜偏私。使內外異法也。侍中侍郎郭攸之。費禕。董允等。此皆良實。志慮忠純。是以先帝簡拔以遺陛下。愚以為宮中之事。事無大小。悉以咨之。然後施行。必能裨補闕漏。有所廣益。將軍向寵。性行淑均。曉暢軍事。試用於昔日。先帝稱之曰能。是以眾議舉寵為督。愚以為營中之事。事無大小。悉以咨之。必能

使行陣和睦。優劣得所。親賢臣。遠小人。此先漢所以興隆也。親小人。遠賢臣。此後漢所以傾頹也。先帝在時。每與臣論此事。未嘗不嘆息痛恨於桓靈也。侍中尚書。長史。參軍。此悉貞亮死節之臣也。陛下親之信之。則漢室之隆。可計日而待也。臣本布衣。躬耕南陽。苟全性命於亂世。不求聞達於諸侯。先帝不以臣卑鄙。猥自枉屈。三顧臣於草廬之中。諮臣以當世之事。由是感激。

許先帝以驅馳。後值傾覆。受任於敗軍之際。奉命於危難之間。迺來二十有一年矣。先帝知臣謹慎。故臨崩寄臣以大事也。受命以來。夙夜憂慮。恐付託不效。以傷先帝之明。故五月渡瀘。深入不毛。今南方已定。兵甲已足。當獎率三軍。北定中原。庶竭駑鈍。攘除奸凶。以復興漢室。還於舊都。此臣所以報先帝而忠陛下之職分也。至於斟酌損益。進盡忠言。則攸之。禕。允之任也。願

陛下託臣以討賊興復之效。不效。則治臣之罪。以告先帝之靈。責攸之。禕。允等之咎。以彰其慢。陛下亦宜自謀。以諮諏善道。察納雅言。深追先帝遺詔。臣不勝受恩感激。今當遠竊。臨表涕泣。不知所云。謹表

後主覽表而言曰。相父征蠻遠涉艱難。方始回都。坐未安席。今又欲北征。恐勞神思也。孔明曰。臣受先帝託孤之重。夙夜未嘗有怠。今日平蠻回國。二載有餘矣。軍馬已銳。器械已

足糧草之類。盡皆完備。不就此時討逆。恢復中原。更待何日耶。忽班部中太史譙周出奏曰。臣夜觀天象。北方旺氣正盛。星曜倍明。未可圖也。乃預孔明曰。丞相深明天文。何故強為也。孔明曰。天道之理。變易不常。豈可拘執也。吾今且駐軍馬於漢中。觀其動靜而行之。譙周等諫之不從。於是孔明乃留郭攸之。董允。費禕等為侍中。總攝官中之事。又留向寵為大將。總督御林軍馬。蔣琬為參軍。張裔為長史。掌丞相府事。又留杜瓊為諫議大夫。杜微。楊洪為尚書。孟光。朱敏為祭酒。尹默。李譔為博士。卻正。費詩為秘書。譙周為太史。內外文武官僚二百餘員。同理蜀中之事。孔明受詔興兵。克復中原。重興漢室。孔明暫歸府內。喚諸將聽令。前督部鎮北將軍領丞相司馬涼州刺史都亭侯魏延。前軍都督領扶風太守張翼。牙門將裨將軍王平。後軍領兵使安漢將軍領建寧太守李恢。副將定遠將軍領

漢中太守呂義。兼管運糧左軍領兵使平北將軍陳倉侯馬岱。副將飛衛將軍廖化。右軍領兵使奮威將軍博陽亭侯馬忠。撫戎將軍關內侯張嶷。行中軍師車騎大將軍都鄉侯劉琰。中監軍揚武將軍鄧芝。中參軍安遠將軍馬謖。前將軍都亭侯玄紉。左將軍高陽侯吳懿。右將軍玄都侯高翔。後將軍安樂侯吳班。領長史綏軍將軍楊儀。前將軍征南將軍劉巴。前護軍偏將軍漢城亭侯許允。左護軍

篤信。中郎將丁咸。右護軍偏將軍劉敏。後護軍典軍中郎將官雖。行參軍昭武中郎將胡濟。行參軍諫議將軍閆晏。行參軍偏將軍費習。行參軍裨將軍杜義。武略中郎將杜祺。綏戎都尉盛敷。從事武畧中郎將樊岐。典軍書記樊建。丞相令史董厥。帳前左護衛使龍驤將軍關興。右護衛使虎翼將軍張苞。孔明受詔。封為平北大都督丞相武鄉侯領益州牧。知內外事諸葛亮。於是孔明分撥已畢。又檄

李嚴等守川口以拒東吳。選建興五年春三月丙寅日出師。忽帳下一老将厲聲而進曰。我雖年邁。尚有廉頗之勇。馬援之雄。此二古人皆不服老。何故不用我耶。眾視之。乃常山趙子龍也。孔明曰。吾自平蠻回都。馬孟起因病身故。予甚惜之。以為折其右臂也。今將軍年紀已高。但恐稍有參差。動搖一世之英名。減却西蜀之銳氣也。子龍厲聲曰。吾自隨先帝以來。臨陣不退。遇敵則先。大丈夫得死於疆場者幸也。吾何恨焉。願為前部先鋒。孔明再三苦勸不從。子龍曰。如不教我為先鋒。就撞死於堦下。孔明曰。將軍既要為先鋒。須得一人同去。言未盡。二人應曰。某雖不才。願與老將軍先引一軍前鋒破敵。孔明視之。乃義陽新野人也。見為中監軍。揚武將軍。姓鄧名芝。字伯苗。孔明大喜。即撥精兵五千。副將十員。隨趙子龍鄧芝為先鋒。去訖。孔明出師。後主百官送於北門外十里。孔明辭了後主。

三國志卷之九

九

而去。旌旗蔽野。戈甲如霜。沿道之民。簞食壺漿以迎王師。孔明率大軍望漢中迤邐進發。却說邊庭探知此事。報入中原。是日魏主曹叡設朝。近臣奏曰。邊官報道。諸葛亮率領大兵三十餘萬。出屯漢中。令趙雲鄧芝為前部先鋒。引兵入境。其機至急。叡大驚。慌問羣臣曰。誰可為將。以退蜀兵。忽一人應聲而出曰。臣父死於漢中。切齒之讐。未嘗得報。今蜀兵侵境。臣願引本部猛將。乞陛下賜關西之兵。上為國家效力。下報父親之讐。臣萬死而不恨也。眾視之。乃安西鎮東將軍侍中尚書駙馬都尉假節夏侯淵之子夏侯楙也。楙音茂字子林。自幼過房與夏侯惇為子。後夏侯淵被黃忠斬之。魏武帝曹操憐之。以女清河公主招楙為駙馬。因此朝中欽敬。雖掌兵權。性急慳吝。未曾臨陣。此時曹叡即命夏侯楙為大都督。調關西諸路軍馬前去迎敵。忽一人諫曰。不可。眾視之。乃司徒王朗也。朗奏曰。夏

三國志卷之九

九

侯駙馬素不曾經戰。今付以大任。非其宜也。更兼諸葛亮足智多謀。深通韜畧。不可與敵也。夏侯惇叱之曰。司徒莫非結連諸葛亮。欲為內應耶。吾自幼從父學習韜畧。深通兵法。汝何欺吾年幼也。吾若不生擒諸葛亮。誓不回見天子。王朗等皆不敢言。夏侯惇拜了魏主。星夜到長安。調關西諸路軍馬二十餘萬。來敵孔明。未知勝負如何。

趙子龍大破魏兵

建興五年夏四月。孔明率兵前至沔陽。經過馬超墳墓。乃令弟馬岱掛孝。孔明親自祭之。蜀人楊戲作贊曰。

驃騎奮起。連橫合從。首事三秦。保據河潼。宗計於朝。或異或同。敵以成壘。家破軍亡。乖道反德。託鳳攀龍。

又史官作馬孟起廟贊曰。

西川馬孟起。名譽震關中。信布齊誇勇。關張可並雄。渭橋施六戰。安蜀奏全功。曹操

聞風慙。流芳播遠戎。

孔明祭畢。回到寨中。商議進兵。忽遠哨馬報。魏主曹叡遣駙馬夏侯惇調關中諸路軍馬前來拒敵。忽魏延上帳獻策曰。夏侯惇乃膏粱子弟。懦弱無謀。可賜精兵五千。直取路出褒州。循秦嶺以東。當子午谷而投此。十日之中。可到長安。夏侯惇若聞某驛至。必然棄城望橫音門音邸閣而走矣。可棄糧草。足可為用也。某却從東方而來。丞相可大驅士馬。自斜

谷而進。若如此行之。則咸陽以西。一舉而可定矣。此萬全之計也。孔明笑曰。此非萬全之計也。汝欺中原無好人物。倘有人進言者。於山僻中以軍截之。非令五千人受害。亦大傷其銳氣也。決不可用之。魏延又曰。丞相從大路進發。彼必盡起關中之兵。於路迎敵。則徒廢生靈。何日而得中原也。孔明曰。吾從隴右取平坦大路。依法進兵。豈不勝耶。遂不用魏延之計。即差人令趙雲進兵。却說夏侯惇在

長安聚集諸路軍馬。時有西涼大將韓德。善使開山大斧。有萬夫不當之勇。引西羌諸路兵八萬到來。見了夏侯楙。楙重賞了畢。就遣韓德為先鋒。德有四子。皆精通武藝。子馬過人。長子韓瑛。次子韓瑤。三子韓瓊。四子韓琪。真乃雄偉之士。韓德帶四子并西羌兵八萬。取路而來。前至鳳鳴山。正遇蜀兵兩陣對圓。韓德出馬。四子列於兩邊。德厲聲大罵曰。反國之賊。安敢侵吾境界耶。趙子龍大怒。挺鎗縱馬。單搦韓德交戰。長子韓瑛躍馬挺鎗來迎。戰不三合。被子龍一鎗刺死於馬下。次子韓瑤見之大怒。縱馬揮刀來取子龍。子龍施逞舊日虎威。抖搜精神。相迎韓瑤。瑤抵敵不住。三子韓瓊見了奮怒。急挺方天戟。驟馬前來夾攻。子龍全然不懼。鎗法不乱。四子韓琪見二兄戰子龍不下。也馳馬掄兩口日月刀而來。圍住子龍。子龍在中央。獨戰三將。少時韓琪中鎗落馬。魏陣中一將救去。子龍拖鎗

三國志卷之九

二

三國志卷之九

三

便走。韓瓊按戟急取弓箭射之。連放三箭。皆被子龍用鎗撥了。瓊大怒。仍綽方天戟。縱馬趕來。被子龍一箭射中面門。落馬而死。韓瑤急驟馬趕到。舉刀便砍子龍。子龍拖放不迭。弓鎗皆棄。閃過寶刀。生擒韓瑤歸陣。復縱馬取鎗。殺過陣來。韓德見四子皆喪于子龍之手。肝膽皆裂。先走入陣去了。西涼兵素知子龍之名。又見英雄尚在。誰敢交鋒。子龍馬到處。大喝一聲。陣開兩下。紛紛亂走。陣陣倒退。却被子龍匹馬單鎗往來衝突。如入無人之境。後人有詩贊曰

憶昔常山趙子龍。年登七十建奇功。獨誅四將來衝陣。猶似當陽救主雄。

鄧芝見子龍大勝。率蜀兵掩殺。西涼兵大敗而走。韓德險被子龍擒住。乃棄甲步行而逃。子龍鄧芝收軍回寨。芝賀曰。某見將軍如此英雄。不想壽已七旬。精神尚在。今日陣前獨勝四將。世之罕有也。子龍曰。丞相以吾年邁

不欲取用。吾故以此功表之。遂差人解韓瑤申報捷書。以達孔明。却說韓德引敗軍回見夏侯楸。哭告其事。楸自統兵來迎子龍。忽探馬報入蜀寨。說夏侯楸自引兵到。子龍乃上馬綽鎗。引千餘軍。就鳳鳴山前列成陣勢。當日夏侯楸戴金盔。披金甲。坐下雪白馬。手提大砍刀。立在門旗之下。見子龍躍馬挺鎗。往來馳騁。楸欲自戰。後面韓德言曰。殺吾四子之讐。如何不報。縱馬掄開山大斧。直取子龍。子龍忿怒。挺鎗來迎。戰不三合。一鎗刺韓德死於馬下。急縱馬直取夏侯楸。楸慌閃入本陣。鄧芝驅兵掩殺。魏兵又拆一陣。退十餘里下寨。楸連夜與衆將商議曰。吾久聞趙雲之名。未嘗見面。今日年老英雄尚在。方信當陽長阪之事。似此無人可敵。如之奈何。衆軍程武乃程昱之子進言曰。某料趙雲有勇無謀之輩。不足慮哉。來日都督再引兵出。先伏兩軍於左右。都督臨陣先退。誘趙雲到伏兵處。都督

却登山指揮。四面軍馬重疊圍住。足可擒矣。楸從其言。遂遣神武將軍董禧引三萬兵伏於左。征西將軍薛則引三萬兵伏於右。二人領兵埋伏去了。次日夏侯楸復整金鼓旗幡。率兵而進。子龍鄧芝出迎。芝在馬上與子龍曰。昨夜子龍殺了韓德。魏兵不敢戰。大敗而去。今日此來必有詐也。老將軍可防之。子龍曰。量此乳臭小兒。何足道哉。吾今日必然擒之。只見魏軍中旗幟之下。夏侯楸與諸將搦戰。子龍奮怒。便躍馬而出。魏將偏將軍潘遂出迎。戰不三合。遂撥馬便走。子龍趕去。魏陣中八員將一齊來迎。放過夏侯楸先走。八將却敗奔走。子龍乘勢追殺。鄧芝亦提兵掩殺。子龍深入重地。四面喊聲大震。芝急收軍回時。左有董禧。右有薛則。兩路兵殺到。因芝兵少。不能救解。將子龍困在垓心。子龍東衝西突。魏軍越厚。此時子龍手下止有千餘人。殺到山坡之下。只見楸在山上指揮三軍。子龍

投東則望東。拍傍邊執法官。把旗望東。拍軍馬就望東圍。因此攻打不透。子龍引兵殺上山來。忽半山。中擂木砲石打將下來。不能上山。山上弩箭如雨。蜀兵傷折太半。子龍從辰時殺至酉時。不得脫走。子龍正在坡心。下馬少歇。待月明衝突。却纔卸甲。蘇困。月光方出。忽四下火光冲天。鼓聲大震。矢石如雨。魏兵殺到。皆叫曰。趙雲早降。子龍急上馬迎敵。四面軍馬漸漸逼近。八方弩箭交射甚急。人馬皆不能向前。子龍仰天嘆曰。吾不服老。死於此地矣。忽東北角上喊聲大起。魏兵紛紛亂竄。一彪軍殺到。為首大將素袍銀鎧。使丈八點鋼矛。提一顆人頭。子龍視之。乃弟翼將軍張苞也。苞見了子龍。言曰。丞相恐老將軍有失。特遣某引五千兵接應。聞知老將軍被困。故殺透重圍。正遇魏將薛則攔路。被某殺之。子龍大喜。即與張苞殺出西北角來。只見魏兵棄戈奔走。一彪軍從外呐喊殺入。為首大

將坐下赤兔馬。提偃月青龍刀。手挽人頭。子龍視之。乃龍驤將軍關興也。興與子龍曰。奉丞相之命。恐老將軍有失。特引五千兵前來接應。却纔陣上逢着魏將董禧。被吾一刀斬之。鳥首在此。丞相隨後便到也。子龍曰。二將軍已建奇功。何不就今日擒住夏侯楙。以定大事也。張苞聞言。遂引兵去了。興曰。我也幹功去矣。關興也引兵去了。子龍回顧左右曰。他兩箇是吾子姪之輩。尚且幹功去了。吾乃國家上將。朝廷舊臣。反不如小兒也。吾當捨老命以報先帝之恩。此時子龍引兵來捉夏侯楙。當夜三路兵到。未知夏侯楙性命如何。

諸葛亮智取三郡

却說子龍與關興張苞三路兵大破魏軍一陣。鄧芝引兵接應。殺得屍橫遍野。血流成河。夏侯楙乃無謀之人。更兼未曾經戰。見軍大亂。遂引帳下驍將百餘人。望南安郡而走。泉

軍因見無主。盡皆逃竄。與苞二將。聽知夏侯
惪望南安去了。連夜趕來。惪走入城中。令緊
閉城門。驅兵守禦。與苞趕到。一聲砲響。將城
圍了。子龍隨後也到。三面攻打。少時。鄧芝亦
引兵到。一連圍了十日。攻打不下。忽報丞相
留後軍駐於沔陽。左軍屯於陽平。右軍屯於
石城。丞相自引中軍來到。子龍。鄧芝。關興。張
苞。皆來拜見孔明。說連日攻城不下。孔明曰。
待吾自觀之。遂乘四輪小車。到城邊周迴看

卷之九

三

了一遍。回寨升帳而坐。裒將環立聽令。孔明
曰。此郡壕深城峻。不易攻也。吾正事不在此
城。汝等如是久守。倘魏兵分道而出。却取漢
中。於吾軍無益矣。鄧芝曰。夏侯惪乃魏之駙
馬。若擒此人。勝斬百將。今困於此。豈可棄之
而去耶。孔明曰。吾自有計矣。但未知此處接
連何郡。左右告曰。西連天水郡。北抵安定郡。
孔明曰。二處太守。是何人也。答曰。天水太守
馬遵。安定太守崔諒。孔明大喜。乃喚魏延受

卷之九

三

計。如此如此。又喚關興張苞受計。如此如此。
又喚心腹二人受計。如此行之。各將領命引
兵而去。孔明却在南安城外。令軍運柴草堆
於城下。口稱燒城。魏兵聞知。皆大咲不聽。却
說安定太守崔諒在城中。聞知蜀兵圍了南
安。因住夏侯惪。十分慌懼。即點軍馬。將有四
千。守住城池。忽見一匹馬飛到。其人自正南
而來。口稱有機密事。崔諒喚入問之。答曰。某
是夏侯都督帳下心腹。將裴緒。今奉都督將
令。特來求救於安定天水二郡。即目南安其
危甚急。每日城上縱火為號。專望二郡救兵。
並不見到。復差某殺出重圍。特來報急。可星
夜起兵為外應。都督若見二郡兵到。却開城
門接應也。諒曰。有都督文書否。緒貼肉取出。
汗已濕透。畧教一視。急令手下換了乏馬。便
出城望天水而去。不二日。又有報馬到。天水
太守已起兵。採援南安去了。早早接應。崔諒
與府官商議。多官曰。若不去救了南安。則送